

POLITIQUE

## PLIS KI 66% MUSULMANS CONTRE LE GOUVERNEMENT L'ALLIANCE SOCIALE MUSULMANS FINNE HUMILIÉ POUR GAGNE ZOTTE DROITS

**S**i ena dimoune pé rêvé alors bizin arrette rêvé. Dépi sa gouvernement-la finne prend, ki finne gagné? Ene ministre musulman ki ti occupe logement mais ki ène la cage pas finne rangé dans so propre circonscription. Ene ministre l'énergie mais ki finne faire musulman souffert énormément lors la question l'heure d'été et ki finne failli lors la question Hajj. (Guette lagazette Samedi Plus). Ene vice-premier ministre, ki pas finne faire n'arien pour so ban mandats à Vallée-Pitôt. Ni ène la cage (au contraire pé dire lève paké allé, ring road pé vini après prochaine election), ni ène complete sportive, ni ène l'école technique mais juste nettoye la rue ou pont ou canal et ène deux ti projet ki ène simple député capave faire. Au niveau social l'endroit la finne

pourri, la drogue, sida et la prostitution pé donne balle. Socialement li pas finne faire n'arien pour zotte, économique li finne laisse zotte tombé et politiquement li finne amène zotte en bateau. Ene grand changement ki finne ena, oui. Li finne change collège Monneron so nom et finne donne ène nom de so famille "Atchia."

Perna doute le système caste pas existé dans l'Islam mais malheureusement lors terrain la réalité li autrement. Pé servi votes ban pauvres de la communauté musulmane ki vivre dans ban faubourgs pour vinne au pouvoir et ensuite oublié zotte et ensuite promouvoir le système castéiste et sans oublié le capitaliste. Ban politiciens musulmans ki finne faire sa jeu malpropre-la, n'a pas pour gagne chance sa fois-la.

Avec sa gouvernement-la, saki riche pé arrive lors le ciel et saki pauvre pé rentre plis dans la terre.

Plis ki 66% musulmans haïr sa gouvernement-la. Zotte senti ki zotte droit pas finne respecté. Parti l'Alliance Sociale finne servi zotte juste pour vinne au pouvoir. Maulana et Imam finne traîne devant la justice pour la question Azaan. Ene torture morale pendant plusieurs années. Menace de poursuite à l'encontre ène Mowlana ki ti cause lors la question ticket Hajj. Manifestation pour gagne nous droit lors ticket Hajj cotte le gouvernement actionnaire majoritaire dans Air Mauritius. Manifestation, saisit l'articles et faire prison à l'encontre ban marchands ambulants ki majorité musulmans et ki majorité reste dans circonscription vice-premier

ministre Rashid Beebeejaune.

Persécutions et tortures ban prisonniers musulmans dans ban prisons à travers l'île.

Ki qualité pouvoir V.O.Hindu finne gagné avec sa gouvernement-la. Juska métheadone pas ti capave donné à ban toxicomans et nous conné ki beaucoup musulmans finne victime de sa fléau-la. Couma ène P.M ki dire li pour toute communauté mais faudré aveugle pas trouvé ki traitement V.O.H gagné avec li. Quand la communauté musulmane lève la tête zotte gagne écrasé, menace par l'autorité.

La liste longue saki musulmans finne passé avec sa gouvernement-la. Nous pour vinne lors pourcentage concernant travail et les autres dossiers chauds dans nous prochaine numéro.

Ena ministère musulmans pas gagne travail du tout. Juste créol ki tappe plein. Et puis ou pour trouvé ki Rashid Beebeejaune et so famille Abu Kasenally et autre Dulull pas faire poid du tout dans sa gouvernement-la. Zotte finne occupe zotte famille et zotte proche avant tous. Nous pour nomme tous ban ministres et députés musulmans ki zotte famille finne tappe plein avec sa gouvernement. Ou donne zotte votes et zotte oublié ou et zotte occupe zotte famille avant.

La communauté musulmane et surtout electorats musulmans dans No. 2 et No. 3 bizin réfléchi avant voté. Est-ce qui bizin ré-vote sa ban dimoune-la encore et souffert 5 année encore de dénigrément et torture morale pour gagne nous droits?

## EQUAL OPPORTUNITY ACT, POUR KI SANLA?

**Q**uand gouvernement finne vote la loi pour tous dimoune gagne même chance. Saki ena meilleur certificat, li pour gagne poste ki li mérité. La question si pas to Hindu, Musulman ou Chrétiens pas pour posé. Mais hélas, la communauté musulmane sorti perdant par sa la loi-la. Ki faire? Parcequ'i c'est seulement ban z'enfant ki possédé, vivre dans ène bon l'environnement et bien nourri ki pour bénéficié de sa chance-la.

Mais ban z'enfants ki reste lors li pied montagne ou dans

ban regions défavorisé, pour zotte "Equal Opportunity Act" ou pas, zotte perna aukène chance. Zotte misère, zotte l'environnement infecté avec la drogue, la prostitution, sida et les autres fléau encore. Zotte mal nourrit. zotte la santé fragile. Est-ce qui zotte pour capave mette compétition avec ban z'enfants ki ena ène l'environnement saine, bien nourri et économiquement dans bien?

Pourqu'i "equal opportunity act" ena so valeur et mérite so

nom ki li porté bizin soigne l'environnement sa ban regions défavorisé-la et amène zotte même niveau ki les autres regions été (Floréal, Curepipe, Quatre-Bornes etc...) et hausse zotte niveau de vie et donne zotte même qualité l'éducation non pas créé ban l'école ZEP et laisse ban fléau ronger zotte l'environnement. Sans quoy "Equal Opportunity Act" pas pour ena so raison d'être et c'est ène farce. Juste pour embête dimoune.

## KI FAIRE ZAMZAM ORGANISE QURBANI EN INDE?

**P**lis ki dix ans dépi nous pé organise Qurbani en Inde. Nous ti commence juska R300 à R400 ène part. Dimoune ti pé bouffon nous. Zotte ti pé dire ban voleur sa. Avec R300 ou R400 roupie, capave faire Qurbani. Dépi ban 'Alim ti pé organise causerie à travers l'île dans ban masjid pour critique nous. Nous finne garde nous patience et cela finne payante. Azordi sa même ban Alim et sa même ban dirigeants masjid pé organise Qurbani dans l'Inde et après dix ans zotte encore garde même prix ki nous ti commence Qurbani, c'est à dire R400. Mais avec la réalité de la vie, nous finne bizin passe à R600 ène part et c'est nous ki finne fixé R600

et les autres ki finne fek né finne commence lors même prix.

Pour nous c'est pas ène business. C'est pas pour rempli nous propre poche en créant ène organisation juste pour Qurbani ou Hajj, la cotte capave gagne casse. Nous invite ban ki organise Qurbani ou Hajj pour donne ène parti de zotte énorme profit dans ban organisations crédibles ki pé lutté pour sa communauté-la pas seulement pour le mois Zul-Hijjah mais toute longue banané.

Et cette année aussi, frères et soeurs, pareil couma ou finne faire nous confiance lors la question de Zakaat, alors nous invite ou pour prend ène part avec ZAMZAM et ou pour soulage

la souffrance de beaucoup de nous ban frères ki trouve dans l'Inde pli particulièrement.

Nous invite ou pour prend ène part pour ou, ène part pour ou parents ki finne décédé, ène part pour nous bien aimé Prophète Muhammad (SAW) ou même Aqeeqah. Guette bien cotte ou prend part, pas nek gagne embêté par ban ki passe porte à porte. ZamZam so Qurbani en Inde c'est crédible et irréprochable. Nous ena nous ban dimoune sur place. Tous la viande distribué aux pauvres.

Pour plis explication lors nous Qurbani alle lors nous [website www.zamzamislamiccentre.com](http://www.zamzamislamiccentre.com). (ou pour capave gueté couma nous faire ou Qurbani)

## LA DROGUE DANS PRISON PETIT VERGER A GOGO

**L**a drogue à gogo dans prison Petit Verger. Et cela aux yeux et au nez de ban gardes Prison. Selon nous information digne de foi, ena certains brébis galeuse parmi ban garde prison de sa prison-la ki faire sa sale business-la.

Nous attire l'attention C.P de sa état de chose ki pé déroulé à l'interieur de sa prison-la. Nous capave même dire c'est ène système mafia ki déroulé à l'interieur prison. Alle comprend si ou capave comprend! Arrette ène dimoune pour déli la drogue. Condamne li à cause la drogue.

Mette li dans prison. Mais dans prison li regagne la drogue et cela avec sa l'autorité ki finne arrette-li la et finne faire condamne li-la. Si comme sa laisse li dehors même. Comme sa l'état avec l'argent publique perna pour dépense n'arien avec li. Pé gaspille fond public. A faire remarqué ki au lieu donne li ène chance pour change so la vie mais pé touille li plis.

Dans nous prochain numéro, nous pour faire ène révélation de taille lors ban gardes prison de sa prison-la. Prend compte, C.P!

## ENE "HAJJ FUND" POUR BAN DEFAVORISÉ. EST-CE KI LI ISLAMIQUE?

**B**an dimoune pauvres Hajj pas obligatoire lors zotte. Si Allah finne exempté zotte de sa pillier-la alors pas nous ki pour alle faire li vinne Faraz. En agissant ainsi nous pé alle à l'encontre la loi Allah ki dire ki Hajj obligatoire lors "celui ki ena moyen et capacité physique." Jamais le Messenger d'Allah (SAW) finne enseigne nous ramasse l'argent pour faire dimoune pauvre faire Hajj. Faudré pas nous innové dans Deen Allah. Pas faire saki nous l'esprit dire nous. Deen pas politique malpropre cotte tous moyens sont bon pour gagne ène vote. Pas servi Deen pour gagne l'avantage politique et cela en allant à l'encontre de la Shariah.

Prend ou l'argent, faire la Sadaqah et soulage ban démuni en donnant zotte à mangé et boire et habille zotte, donne zotte ène la cage, donne zotte l'éducation. Ameliore

zotte niveau de vie.

La cage zotte pas finne gagné, aster pour donne zotte billet Hajj? Et ou conné quand créé ban FUND, ki sanla ki tappe plein? Réponse: Ban agents politique et colleur l'affiche.

Au lieu alle rempli "Hajj Fund" nous conseille ou faire ou donations à ban organisations crédibles et au lieu pour dépense 1 million pour dix dimoune alle faire Hajj, donne sa casse-la pour soulage la souffrance de centaines de défavorisé.

Sa quantité z'enfant orphelins musulmans ki ena dans le monde, sa quantité veuve-la, sa quantité réfugié ki ena dans Gaza, Darfur, Pakistan, Afghanistan, Iraq... C'est pour zotte ki nous bizin créé ène FUND et li obligatoire lors ban ki ena moyen pour contribué.

Visit nous website [zamzamislamiccentre.com](http://zamzamislamiccentre.com)

**QURBANI EN INDE Rs600 PART AU ZAMZAM**

## JOINDRE NOUS MATERNELLE ZAMZAM ET PERNA REPROCHE!

Ki faire nous invite ou pour mette ou z'enfant au maternelle ZamZam. Réponse si simple. C'est ène forte dose de l'éducation islamique qui ou z'enfant pour gagné et sa pour aide li beaucoup dans so la vie. Mette ène bon baz et ou pas pour regretté. C'est ène l'équipe bien formé ki pour encadré ou z'enfant. Pour nous c'est pas du business. Nous ena ène tracas quand ou finne quitte ou z'enfants dans nous la main. Plusieurs centaines z'enfants finne passe dans nous maternelle et qui ajordi zotte trouve zotte dan ban bon collège.

Ene bon l'éducation avec ène ti-prix. Ene l'environnement Islamique. Avec ban pédagogie moderne. Avec ène système audio visuelle. Tous nous enseignantes qualifiées. Pour enregistrement, apporte l'acte de naissance de ou z'enfant et vinne à nous bureau à la rue Ail Doré, P-Louis ou téléphone nous lors 240-0679 pour plis renseignement. Transport disponible.

## ZAMZAM ZAKAAT FUND MERCY, FRERES ET SOEURS

En dépi de ban campagnes mensongères à l'égard de ZamZam et orchestré par ène ban voyoux au service de certains politiciens, la masse finne faire nous confiance. Nous remercier tous ban frères et soeurs et nous invite zotte pour continue

envoye zotte donation direct au Bureau ZamZam ou verse lors nous compte MCB No. 340511060. Nous pé lutté pour l'Ummah, pas pour nous famille.

## PAS VENDE OU VOTE....

Pas vende ou vote pour ène "take away" briyani ou quelques sous. Pas laisse ou gagne embeté jour election par ban vautours. Ou vote c'est précieux. La liberté pour exprime ou choix c'est invendable. Zotte pour donne ou R100 sa jour-

la et pendant cinq ans, zotte et zotte famille pour dormi lors million. Et cinq ans c'est la misère noire pour ou. Réfléchi bien avant voté et pas vote n'importe. Si zotte donne ou casse ou tempo en cadeau, prend mais pas vote zotte.

## CONSTRUCTION ENE CENTRE ISLAMIQUE A MADAGASCAR

Comme annoncé quelques années de cela, ZamZam finne associé li à L'DUIM pour la construction ène centre Islamique.



Alhamdulillah la construction finne bien avancé. Li trouve à Antananarivo (la capitale). Niveau masjid finne fini operationel et section pour ban soeurs aussi. Naturellement manque beaucoup pour termine la construction. Nous lance ène l'appel pour zotte faire zotte donation pourqui le travaux avancé, Incha Allah. Remette zotte donation direct au Bureau ZamZam.

## ZAMZAM NEWS 4 PAGES BIENTOT

ZamZam News c'est lagazette de l'Ummah. Perna aukène lagazette ki finne régulier pendant 10 banané, gratuitement envers l'umma. C'est ène lagazette islamique. Ni photo acteur, ni photo actrice, ni pronostic le course, ni programme TV juste ban informations concernant l'Ummah. ZamZam News pas propriété personne, ni ène groupe dimoune, ni à ène famille mais c'est pour l'Ummah. Nous pas pour soutenir aukène parti politique sauf la politique ki l'Islam préconisé.

Incha Allah, nous envisage sorti 4 pages GRATUITEMENT. Si ou satisfait avec nous la lutte ki nous pé amené, alors ou capave soutenir financièrement ou bien envoye nous ban l'articles ou bien même continue aide nous pour propage le journal. D'avance nous dire ou ène grand merci. Pour rappel, nous seul lagazette islamique ki entre la main pendant dix ans et cela GRATUITEMENT, Alhamdulillah.

## APPEL A BAN GROS LE BRAS MUSULMANS

Election pé vini. Pas laisse ban politiciens servi zotte pour faire dominère ou pour faire ban action irréflechi. Parcequ quand Allah pour attrape zotte pour dominère ki zotte finne faire, personne pas pour capave tire zotte. Tous sa l'argent malpropre qui

zotte gagné, pas pour assé pour soigne zotte car punition Allah li sévère. Ene conseil: Travail couma tous dimoune et cherche moyen Halaal pour vivre et la vie pour heureuse. Tous tappeurs finne fini 5 pied emba la terre dans jeune même.

## EID AU MASJID ZAMZAM: PLIS KI MILLE DIMOUNE PRESENT

Malgrès mauvais temps, masjid ti extra rempli. Frères, soeurs et z'enfants tous ti présent. Ene millier dimoune finne "envahir" la mosquée de bonheur. Dans tous coin finne faire place pour accueillir ban invités Allah ki finne vinne dans So la cage. Namaz Eid ti dirigé par frère Shakeel et c'est le frère A.B. Bahemia Ariff ki finne faire le Khutbah. Ene Khutbah cotte finne cause lors coté social, économique et politique ki l'Islam préconisé. Namaz Eid finne commence à 6:40 a.m et finne terminé à 7:20 a.m.



Dans la fraternité, l'acolade et larmes aux yeux ki finne prend fin sa jour mémorable de Eid. Tous z'enfants présent finne ena droit à ène présent. Gateaux et rafraichissement pour tous.

## FAIRE NAMAZ EID EN PLEIN AIR SUNNAT MAIS PAS FARAZ

Nous le temps à Maurice pas stable. Gramatin la pluie tantôt beau temps ou bien tantôt la pluie et gramatin beau temps alors nous prend ène risque bien souvent quand faire Namaz en plein aire quoiqui li ène Sunnat hautement recommandé. Mais la réalité de la nature li devant nous. Puisque li pas Faraz (obligatoire) alors si pour ène raison valable nous pas capave accomplir Namaz Eid en plein aire alors Allah définitivement pour juge nous selon nous l'intention. A aucun moment nous pas pé desobéir ni Allah ni So bien aimé Prophète (SAW). Pas oublié ki Allah pas mette aukène difficulté lors So ban serviteurs. Dans Deen ena beaucoup facilité. Nous ban Alim bizin montré facilité et beauté ki sa Deen-la donné à so ban "followers."


Namaz. Linge sale. Si mouyé capave malade surtout z'enfant. Bizin trouve moyen pour mette kitchose embas pour pas faire sajdah dans de l'eau. Est-ce qui Deen mette sa quantité difficulté lors nous? Jamais. Alors faudré pas nous faire sunnat vinne faraz et nous mette difficulté lors dimoune.

Nous rappel même à Madinah, la ville du Prophète (SAW), cotte Masjid Nabawi trouvé, faire Namaz Eid dans masjid mais pourtant dans l'époque du Prophète (SAW) ti pé faire Namaz en plein aire. Mais la réalité ajordi avec sa quantité dimoune la et ban les autres donnés, pas faire endehors Masjid Nabawi.

Nous ban savants bizin facilite Deen pour ban dimoune mais pas faire li vinne difficile. Nous simplement pé donne ène ti conseil à nous ban frères et soeurs. Et de dire combien Sunnat chaque jour nous négligé volontairement.

Dans ène temps la pluie pour faire Namaz en plein aire ena beacoup, beaucoup inconvenient. Pas à l'aise pour faire

## NOUVEAU PUBLICATION



Trois nouveau publications finne sorti de presse par le frère A.B. Bahemia Ariff. Il s'agit de: La mort, l'autre réalité Inevitable. 2. Faudré pas desespéré dans la vie. 3. Guide pli facile pour accomplir Hajj et Umrah.

Sa ban livre-la zotte en vente à la librairie ZamZam. C'est à R25 ène copie. Zotte bien profitable et zotte pour renforce nous la foi.

## DERNIER APPEL POUR MASJID GRAND SABLE

Alhamdulillah la construction masjid Grand Sable finne terminé. Dernier étape c'est ène moquet et ène bon sonorisation. Et cela coute ène somme d'argent. Nous lance ène l'appel

à ban frères ki intéressé pour participe dans sa bon action-la pour envoye zotte donation au Bureau ZamZam directement. Nous rappel à ban frères ki déjà pé faire Namaz dans masjid-la.

**QURBANI A  
MADAGASCAR  
RS1800 PART AU  
BUREAU ZAMZAM**

## COUMA PRESERVE BAN VALEURS FONDAMENTALES DE L'ISLAM

1. Pas organise ène fête cotte ena la désobéissance Allah tel couma Masti.
2. Pas donne ou présense dans ban lieu cotte encourage le mal tel couma Pepsi Hangama.
3. Pas mette ou présence dans ban lieu cotte éna la colère d'Allah, ène lieu rempli avec statue, ène lieu de Shirk.
4. Pas mette ban symbole ène l'autre communauté lors front.
5. Pas donne coup de main pour verse de l'eau lors n'importe ki samadi.
6. Pas faire éloges ban lieux de cultes Kuffar et ni ban personnalité Kaafir.
7. Pas faire recueillement devant statue ou tombe.
8. Pas promouvoir constitutions ène parti politique Kuffar au détriment de la Shariah.
9. Pas encourage ban ki finne crée Castéiste dans Deen pour zotte l'interet.
10. Pas minimise ban valeurs de l'Islam.

## MERCY, BHYE CASSAM UTEEM!

Nous frère finne comprend ki solidarité Ramadan bizin juste pour musulmans dans le mois Ramadan. Jamais ban-la pour vinne pour nous. Ou tire ou le coeur ou donne zotte, jamais zotte pour vinne pour nous. Merçi pour ou finne laisse ban organisations islamiques collecte zotte Zakaat et autre donation en "Paix". Tous organisations islamique fié Ramadan pour rempli zotte la caisse et ensuite distribué sa pendant 11 mois ki vini.

## MUSULMANS, PREND COMPTE!

Voice of Hindu pé défende Hindu. La voix Créol pé défend Créol. Sa ban la voix-la pas communaliste.

Mais toi quand to la voix lèvé, zotte appelle toi communale. Unir toi et lève to la voix musulman!

Ene l'alliance Hindu (Ptr) et Créol (PMSD), to role fini et zotte craze toi couma satini.

Visit our website:  
[zamzamislimicentre.com](http://zamzamislimicentre.com)

## KHUTBAH JUMU'A

Lors DVD par A.B. Bahemia Ariff et Cehl Meea à R50 à la librairie ZamZam.

## LIBRAIRIE ZAMZAM

Disponible chez nous: Actar, du miel pure, stickers, pendantif, muswallah, jilbaab, Hijaab, Horni, Th...